

J. Medina
UIP 1965

I. DE COMMISSIONIBUS OECUMENICIS INSTITUENDIS
=====

Or. Feol

1. "Ad totam Ecclesiam sollicitudo unionis instaurandae spectat, tam fideles quam pastores et unumquemque secundum propriam virtutem afficit" (Decr. "De Oecumenismo", art.5). "Quia genus humanum hodie magis magisque in unitatem civilem, oeconomicam et socialem coalescit, eo magis oportet, ut una cum sacerdotibus Episcopi tam catholicis quam non-catholicis faciem ministerii vere sacerdotalis et pastoralis exhibeant et omnem rationem dispersionis elidant, ut in unitatem familiae Dei totum genus humanum adducatur" (cf. Const. De Ecclesia, n.28 et Decr. De Pastoralis Munere Episcoporum, n.16).
2. Episcoporum igitur est cum auctoritate decernere, consideratis quidem omnibus circumstantiis, de modo concreto agendi in rebus oecumenicis, uti in decreto "De Oecumenismo" passim affirmatur (cf. n°4; n°8; n°9). Cum autem haec motio a Spiritu Sancto excitata sit (cf. decr. "De Oecumenismo, n°4) quae hic sequuntur eo fine eoque modo proponuntur, ut in applicando decreto "De Oecumenismo" episcopis inserviant, "quin Providentiae viis ullum ponatur obstaculum et quin futuris Spiritus Sancti impulsione praediudicetur" (decr. "De Oecumenismo", n°24).

A. De commissione diocesana instituenda.

3. Peropportunum videtur ut in unaquaque dioecesi vel - si rerum adiuncta id consulant - in pluribus dioecesibus simul sumptis aliqua commissio vel secretariatus de re oecumenica instituatur. In singulis autem dioecesibus quae propriam commissionem habere non valent, unus saltam vir delegatus adsit, qui de mandato episcopi rebus oecumenicis provideat.

4. Commissio mutuas excolat relationes cum institutis operibusque oecumenicis vel iam existentibus vel de novo erigendis eorumque auxilio pro opportunitate utatur necnon aliis ⁱⁿ dioecesi operibus et inceptis singulorum sedulo inserviat, ita ut mutuo sese informant atque instruant.

5. Inter huius commissionis membra, praeter clericum dioecesanum, religiosi et religiosae necnon laici idonei utriusque sexus pro opportunitate assumantur, ut sollicitudo unitatis instaurandae, quae ad totam Ecclesiam spectat, clarius demonstratur, foveaturque efficacius.

5 6. Huius commissionis munera, inter cetera haec sint:

- a) Decreti "De Oecumenismo" applicare ad locorum personarumque circumstantias.
- b) Oecumenismum spirituales fovere secundum ea, quae in decreto "De Oecumenismo", praesertim in n°8 dicuntur de oratione publica et privata pro christianorum unitate impetranda.
- 10 c) Mutua cum fratribus seiunctis comprehensio promovere..
- d) Ut dialogus instauretur curare eumque moderari, prout variis modis pro colloquentium conditione efformandus est ad mentem nn.9 et 11 decreti "De Oecumenismo".
- 15 e) Cum fratribus seiunctis, testimonium in communi promovere de fide christiana necnon cooperationem v.g. in ordine morali, sociali, culturali, scientifico vel artistico ad mentem n°12 decreti "De Oecumenismo".
- f) Constituere peritos ad instituenda consilia et consultationes cum ecclesiis vel communitatibus seiunctis inter dioeceseos fines existentibus.
- 20 g) Auxilia praebere vel suggestiones dare ad efformationem et educationem tam clericorum quam laicorum instituendam et ad vitam christianam oecumenico spiritu degendam, inter quae praeeminent formatio alumnorum in Seminariis, praedicatio et catechesis aliaeque institutiones de quibus agit decretum "De Oecumenismo" in n° 10.
- 25 h) Relationes cum commissione oecumenica territoriali, de qua infra, cuius consilia et suggestiones ad proprias dioeceseos circumstantias applicentur. Insuper, si rerum adiuncta id suadeant, informationes utiles Romam mittantur ad Secretariatum pro christianorum unitate fovenda, quibus illi in implendis suis muneribus adiuvari possit.
- 30

B. De territoriali commissione erigenda.

35 7. Ab unaquaque conferentia episcoporum unius vel - si rerum adiuncta id consulant - etiam plurium nationum secundum propria statuta pro opportunitate instituaturs commissio episcoporum de re oecumenica quae peritos sibi

assumat et quae, de mandato conferentiae episcoporum huius territorii, rebus oecumenicis curam habeat atque decernat de modo concreto agendi, attentis omnibus circumstantiis temporum, locorum et personarum, ad normam decr. "De Oecumenismo", aliarumque ordinationum legitimarumque consuetudinum. Huic commissioni pro opportunitate adiumento sit secretariatus stabilis.

8. Huius commissionis cura ea omnia complectitur, quae supra sub A, a-h indicata sunt, inquantum intrans in munera conferentiae territorialis.

Insuper, curam habeat de aliis operibus, e quibus hic quaedam exempli gratia enumerantur:

10 a) Consilia et adiumenta episcopis danda, qui in propria dioecesi commissioni de re oecumenica instituendae operam navant.

15 b) Adiutorium tam spirituale quam materiale pro rerum adiunctis praebendum sive institutis iam existentibus sive inceptis oecumenicis excitandis quae vel doctrinam studiaque excolenda spectant vel curae animarum vitaeque christianae efformandae dedita sunt, iuxta normas in nn.9, 10 et 11 decreti "De Oecumenismo" prolatas.

c) Institutio dialogi et consultatio cum moderatoribus necnon consiliis oecumenicis ecclesiarum vel communitatum seiunctarum, quae extra singularum diocesum fines sed in ambitu huius nationis vel territorii existunt.

20 d) Designatio illorum peritorum, qui publico mandato ecclesiastico ad colloquia et consilia cum peritis illarum communitatum deputantur, de quibus sub littera c) agitur.

e) Institutio specialis subcommissionis pro rebus oecumenicis quae orientales spectant, si rerum adiuncta id expostulant.

25 f) Relationes hierarchiae huius territorii cum Secretariatu ad christianorum unitatem fovendam, Romae, habendae.

II. DE BAPTISMI VALIDITATE A MINISTRIS ECCLESIARUM ET ECCLESIALIUM
COMMUNITATUM A NOBIS SEIUNCTARUM COLLATI

9. Momentum sacramenti baptismi in re oecumenica ex documentis Concilii Vaticani II illustratur: "Ipse (Iesus Christus) autem necessitatem fidei et baptismum tamquam per ianuam intrant, simul confirmavit" (Const. Dogm. De Ecclesiae, n° 14).

5 "Cum illis qui, baptizati, christiano nomine decorantur ... Ecclesia semetipsam novit plures ob rationes coniunctam" (Const. Dogm. De Ecclesia, n°15).

10 "Hi enim qui in Christum credunt et baptismum rite receperunt, in quadam cum ecclesia catholica communionem, etsi non perfecta, constituuntur ... iustificati ex fide in baptismo Christo incorporantur, ideoque christiano nomine iure decorantur et a filiis Ecclesiae ut fratres in Domino merito agnoscuntur" (Decr. De Oecumenismo, n°3).

"Ex altera parte necessarium est Catholicos cum gaudio agnoscere et aestimare bona vere christiana, a communi patrimonio promanantia, quae apud fratres a nobis seiunctos inveniuntur" (Decr. De Oecumenismo, n°4).

15 10. Sequitur inde baptismum esse vinculum unionis omnium christianorum. Quapropter et dignitas et modus conferendi eum res est summi momenti pro cunctis Christi discipulis. Tamen recta aestimatio huius sacramenti necnon reciproca acceptatio baptismi collati in communitatibus respectivis impeditur propter prudens dubium quod quandoque exoritur circa baptismum in concreto
20 casu collatum. Ut evitentur difficultates in casu in quo aliquis, Spiritus Sancti gratia et dictamine conscientiae suae impulsus, plenam communionem cum Ecclesia Catholica petit, quaedam normae proponuntur.

25 11. Reprobatur praxis indiscriminatim baptizandi sub conditione omnes qui plenam communionem cum Ecclesia Catholica desiderant. Sacramentum enim baptismi iterari nequit (can.732, §1) ideoque, baptismus sub conditione iterum conferre non permittitur nisi adsit prudens dubium de facto vel de validitate baptismi iam collati. (Cf. Conc. Trid., s.vii, can.4; CIC 732, §2, 760; et quoad certas quasdam denominationes, R.S. Off. die Dec. 12, 1949, AAS 41, 650).

12. In omni casu ubi, seria investigatione de collato baptismo rite per-
acta, ob prudens dubium necessarium ^{est.} (videtur) baptismum sub conditione (iterum)
conferre: a) ut debita ratio de unicitate baptismi habeatur, minister sedulo
5 explicet et rationes propter quas baptismus, hoc in casu, sub conditione con-
feratur, et significationem ipsius ritus baptismi sub conditione collati;
b) illud privatim et in forma simpliciori conferatur neque nimiae divulgatio-
ni locus detur. Hoc modo etiam evitatur offensa communitatis seiunctae.

13. Quoad baptismum apud Christianos orientales seiunctos collatum, eius
validitas in dubium vocari nequit, dummodo de eius facto rite constat. Cum in
10 Ecclesiis Orientis sacramentum confirmationis (chrismatis) semper legitime a
sacerdote simul detur cum baptismo, frequenter accidit quod nulla mentio de
hoc sacramento fit in canonica attestazione ipsius baptismi; exinde non constat
dubium de facto collationis exoriri debere.

14. Quod ad alios christianos attinet, quandoque dubium oriri potest.
15 (a) Quoad materiam et formam. Baptismus collatus per ritum immersionis vel
infusionis vel aspersionis ^{siue applicata ad individuos personales.} cum formula trinitaria est validus. (Cf. CIC 758).
Si ergo libri rituales et liturgici alicuius ecclesiae vel communitatis reli-
giosae unum ex his modis baptizandi imponunt, ratio dubitandi oriri potest (~~tan-~~
tum) ex facto quod contingat ut minister praescriptis propriae communitate non
20 obsequatur. Requiritur igitur et sufficit testimonium de fidelitate ministri
baptizantis erga praescripta propriae communitatis vel ecclesiae.

Ad illud inquirendum generatim oportet obtinere testimonium scriptum bap-
tismale cum nomine baptizantis. Plerumque possibile erit cooperationem communi-
tatis seiunctae impetrare ad stabiliendum in genere vel in particulari, utrum
25 minister de facto secundum libros approbatos baptismum contulisse assumendus sit.

(b) Quoad fidem et intentionem. Quia autem quidam putant insufficientem fidem
vel intentionem ministri dubium de baptismo fundare posse, haec notanda sunt:

(i) Fides insufficientis ministri nunquam ex se ipsa invalidum reddit baptismum.
(ii) (Semper) Praesumenda est intentio sufficiens in ministro qui baptismum con-
30 tulit nisi (~~expresse~~) constet illum noluisse facere quod faciunt Christiani. (Cf.
Resp. S.Officii, die 30 ian., 1833 / Sufficit facere quod faciunt Christiani /;
S.C. Conc. Decret, approb. a Pia V, die 19 iun. 1570, cit a Conc. Prov. Evreux, 1576).

(c) Quoad applicationem materiae. In casibus ubi dubium de materiae applicatione oritur, reverentia erga sacramentum necnon observantia erga naturam ecclesiam catholicam et ecclesias seu communitates seiunctas postulant ut inquisitio seria de praxi communitatis et de circumstantiis ipsius baptismi instituat, antequam iudicium de invaliditate sacramenti propter modum collationis profertur.

15. Integra quaestio de baptismi theologia et praxi in dialogo inter ecclesiam catholicam et ecclesias seu communitates seiunctas proponatur. Suaedet, ut huiusmodi discussio a Consiliis Ecclesiarum diversis in regionibus iniatur, et ubi fieri convenit, conventum quoddam (an agreement) de modo in hac re agendi ineatur.

16. Pro reverentia erga sacramentum initiationis, quod Dominus pro novo foedere instituit maxime optandum est, ut dialogus cum seiunctis nequaquam restringatur ad quaestionem de elementis ad validitatem baptismi absolute necessariis. Oportet insuper plenitudinem signi sacramentalis eiusque modum efficiendi, prout in Novo Testamento exhibetur ^{mutuo penetrare} (investigare) quo facilius conventum inter ecclesias praeparetur de agnitione reciproca baptismi.

17. Iusta aestimatio baptismi collati a ministris ecclesiarum et communitatum ecclesialium a nobis seiunctarum momentum oecumenicum secumfert. Ex hac aestimatione baptismus vere manifestatur ut "vinculum unitatis sacramentale vigens inter omnes qui per illum regenerati sunt" (Decr. De Oecumenismo n°22). Ideoque sperandum est fore ut omnes christiani magis ac magis cum reverentia et fidelitate erga Domini institutionem de illius celebratione curent.

18. Iuxta mentem decreti "De Oecumenismo" fratres extra communionem Ecclesiae Catholicae visibilem nati et baptizati sedulo distingui debent ab iis qui, in Ecclesia Catholica quidem baptizati, eius fidem scienter et publice denegaverunt. Secundum decretum, enim, "qui nunc in talibus communitatibus (seiunctis) nascuntur et fide Christi imbuuntur, de separationis peccato argui nequeunt" (cf. Decr. De Oecum., n. 3); quamobrem, absente tali culpa, si fidem catholicam sua sponte et voluntate amplecti

volunt, a poena excommunicationis nullo modo absolvi indigent, sed
professione fidei facta, . in plenam communionem Ecclesiae
Catholicae admittantur. Praescriptiones vero can. 2314 iis solummodo ap-
plicantur, si casus ferat, qui, a fide vel communionem catholica culpa-
5 biliter defecti, cum matre Ecclesia reconciliari contriti postulant.

19. Quod de absoluteione a censuriis modo dictum est, etiam de abiura-
tione ab haeresi ob eandem rationem valere patet.

20. Quanquam hic ingressus in catholicam communionem de se postulet
publicam celebrationem cum quadam localis communitatis praesentia,
10 attamen propter circumstantias ab Ordinario loci diiudicandas quandoque
modo plus minusve privato procedere licet.



III. DE OECUMENISMO SPIRITUALI IN ECCLESIA CATHOLICA PROMOVENDO

21. "Cordis conversio vitaeque sanctitas, una cum privatis et publicis supplicationibus pro Christianorum unitate, tamquam anima totius oecumenici existimanda sunt et merito oecumenismus spiritualis nuncupari possunt." (Decr. De Oecum. n. 8).

5 His paucis verbis, decretum "De Oecumenismo" oecumenismum spiritualem definit atque eius momentum sublineat, ita ut christiani, tam in vita quotidiana quam in precum effusione, unitatis intentionem continuo prae oculis habeant.

10 22. Attamen decet preces pro unitate iterare temporibus peculiaribus, ut exempli gratia:

a) hebdomada a die 18 usque ad 25 ianuarii, vocata "hebdomada precum pro christianorum unitate", in qua plurimae Ecclesiae et Communitates ecclesiales frequenter unitim pro unitate precantur;

15 b) diebus circa Epiphaniam in quibus Christi coram mundo manifestatio necnon nexus inter Ecclesiae missionem eiusque unitatem commemorantur;

c) feria quinta Hebdomadae Sanctae, qua commemorantur institutio Eucharistiae, sacramenti unitatis, et Iesu Christi Salvatoris pro Ecclesia eiusque unitate oratio in Coenaculo.

20 d) feria sexta Hebdomadae Sanctae, vel in festo Exaltationis Sanctae Crucis quo commemoratur mysterium crucis filios Dei dispersos congregantis;

e) Solemnia festa Paschalis in quibus omnes Christiani gaudio Resurrectionis Domini consociantur;

25 f) diebus ab Ascensione Domini usque ad Pentecosten, quibus recordatio fit Hierosolymytanae communitatis adventum adprecantis atque expectantis Spiritus Sancti, qui eam in unitate et missione universali confirmet;

30 g) occasione conventuum vel aliorum maiores momenti eventuum quos oecumenismus forte suscitaverit, aut qui in oecumenicas relationes

influxum notabilem habere possint.

23. "Solemne est Catholicis frequenter ad illam orationem convenire pro Ecclesiae unitate, quam Salvator Ipse in pervigilio mortis a Patre flagranter precatus est: "Ut omnes unum sint"." (Decr. De Oecum. n.8).

5 Itaque in unione cum illa oratione a Christo in ultima Cena prolata oratio pro unitate ab omnibus fiat, ut christiani omnes accedant "ad illam plenitudinem unitatis quam Iesus Christus vult" (ibid. n. 4).

10 24. Pastores curam habebunt, ut fidelium catholicorum adunationes ad preces pro unitate effundendas secundum varias circumstantias locorum et personarum ordinentur. Cum autem Sacra Eucharistia mirabile sacramentum sit "quo unitas Ecclesiae et significatur et efficitur" (Decr. De Oecum. n.2), multum interest, fidelibus momentum eius in memoriam revocare et preces publicae pro unitate christianorum intra Sacram Synaxim (e.g. in Oratione Fidelium vel in Exteniis) nec non celebrationem Missae
15 votivae "pro Ecclesiae unitate" commendare. Insuper, in ritibus ubi peculiariora impetrationis officia liturgica sicuti "Litia", "Moleben" etc. extant, illa etiam pro unitate christianorum celebrare decet.

IV. DE COMMUNICATIONE IN SPIRITUALIBUS CUM FRATRIBUS SEIUNCTIS

A. Praenotanda

20 25. Ad redintegrationem unitatis inter omnes christianos fovendam non sufficit ut christiani inter se fraternam caritatem exercent in quotidiano humano commercio. Ex elementis enim seu bonis, "quibus simul sumptis ipsa Ecclesia aedificatur et vivificatur, quaedam immo plurima et eximia exstare possunt extra visibilia Ecclesiae Catholicae saepa"
25 (De Oecum. n. 3). Haec elementa, "quae a Christo proveniunt et ad Ipsum conducunt, ad unicum Christi Ecclesiam iure pertinent" (ibid.) atque inservire apta sunt ad gratiam unitatis impetrandam et ad vincula quibus Catholici cum fratribus seiunctis adhuc coniunguntur significanda.

30 26. Decet, igitur, ut quaedam communicatio in spiritualibus permit- tatur seu ut Christiani communem partem habeant in illis bonis

spiritualibus quae ipsis iam communia sunt, idque modo et mensura quae in
preasenti divisionum statu licita esse possit. Cum autem haec bona spi-
ritualia diversimode in diversis christianorum coetibus inveniantur, com-
municatio in spiritualibus ab hac ipsa diversitate pendet et secundum
5 personarum, ecclesiarum et communitatum circumstantiis de ea variis modis
tractandum est. Ad eam igitur moderandam, ea quae sequuntur, pro praesenti
statu rerum, proponuntur.

27. Attendendum est ad quamdam legitimam reciprocitatem
ita ut, cum mutua comprehensione et caritate, communicatio in spiritua-
10 libus, etiamsi limitata, sano progressui concordiae inter christianos
contribuat. Dialogi igitur et consultationes hac de re inter auctori-
tates catholicas, locales necnon territoriales, et auctoritates aliorum
communionum valde commendantur.

28. Sub nomine communicationis in spiritualibus veniunt omnes prae-
15 cationes in communi indictae, usus in commune rerum vel locorum sacrorum,
et omnis communicatio in sacris proprie dicta.

29. Per communicationem in sacris intelligitur participatio in quo-
libet cultu liturgico vel etiam in sacramentis unius aliusve Ecclesiae
vel Communitatis ecclesialis.

20 30. Sub voce "cultus liturgicus" intelligitur cultus ordinatus se-
cundum libros, praescriptiones, vel consuetudines alicuius Ecclesiae
vel Communitatis, celebratus a ministro vel delegato huius Ecclesiae
vel Communitates ut tali agenti.

B. De precationibus in communi indictis

25 31. "In quibusdam peculiaribus rerum adiunctis, cuiusmodi sunt pre-
cations quae "pro unitate" indicuntur, atque in cecumenicis
conventibus, licitum est immo et optandum, ut Catholici cum
fratribus seiunctis in oratione consocientur. Communes eius-
30 modi preces porefficax sane medium sunt gratiae unitatis impe-
trandae et genuina significatio vinculorum quibus Catholici
cum fratribus seiunctis adhuc coniunguntur" (Decr. De Oecum., n.8)

In Decreto agitur de precationibus cum participatione activa membrorum,

etiam ministrorum, diversarum communitatum. Circa hanc participationem quae, in quantum Catholicos respicit, tutelae Ordinariorum locorum moderanda et fovenda committitur, sequentia sunt notanda:

5 32. Optandum est Catholicos cum fratribus seiunctis in oratione consociari pro quavis communi sollicitudine in qua cooperari possunt et debent, v.g.: ut promoveatur pacis bonum, socialis iustitia, mutua hominum caritas, familiae dignitas etc. His casibus aequiparantur occasiones in quibus aliqua natio vel communitas gratias Deo in communi agere vel adiutorium Eius pro opportunitate impetrare volunt, ut v.g. in festis nationalibus, tempore calamitatis vel luctus communis, die ad memorium defunctorum in servitio patriae dedicata etc. Haec communis oratio, pro posse commendatur etiam quando inter christianos conventus habetur, studii vel actionis causa.

15 33. Precationes autem in communi inductae respicere debent imprimis redintegrationem unitatis inter christianos. Thema eiusmodi celebrationis esse potest, v.gr.: mysterium Ecclesiae eiusque unitatis, baptismus ut vinculum sacramentale unitatis etiamsi imperfectae, renovatio vitae tum personalis cum communitaria ut via necessaria ad unitatem necnon alia themata de quibus in c.III, b-g.

20 34. De Forma celebrationis.

a) Celebrationis huius adparatio (v.gr. personas eligere quae interesse debent, themata seligere, hymnos, lectiones S. Scripturae, preces etc.) necnon ordinem officii statuere communi approbatione et concursu omnium participantium fiat qui varias Ecclesias vel communitates repraesentant.

b) In hoc celebratione locum habere potest quaelibet lectio, precatio et hymnus qui aliquid circa fidem vel vitam spiritualem omnibus christianis commune exprimat. Commendatur insuper exhortatio vel allocutio vel meditatio biblica quae secundum communem christianae haereditatis consensum instituat et quae ad mutuum comprehensionem conducat

et unitatem inter christianos promoveat.

5 c) Optandum est has celebrationes tum inter catholicos peractas tum una cum fratribus seiunctis habitas ita ordinari, ut communitariae orationi iuxta motus liturgici inceptis conformes sint (cf. Const. De Sacra Liturgia, v.gr. nn. 30, 34, 35).

d) In precibus praeparandis, quae in templo alicuius Ecclesiae Orientalis celebrantur, animadvertendum est formam liturgicam receptam considerari apud Orientalis ut intercessioni peculiariter aptam. Rationem igitur ordinis liturgici huius Ecclesiae habere oportet.

10 35. De Loco celebrationis.

a) Locus seligendus est ad quem omnibus participantibus convenire placeat. Cura habeatur, ut omnia ibi decentia sint et ad spiritum religiosum fovendum apta.

15 b) Quamquam ecclesia vel templum sit locus in quo unaquaeque communitas liturgiam sibi propriam de more celebrat, tamen per se nihil obstat et, in debitis circumstantiis, consentiente Ordinario, opportunum esse poterit, ut celebrationes quae in communi fiunt etiam in ecclesia unius aliusve communitatis habeantur.

20 c) Quando preces in communi cum fratribus orientalibus seiunctis habentur, animadvertendum est omnes fratres orientales ipsam ecclesiam ut locum quam maxime proprium ad orationem publicam habendam considerare.

36. De Vestimentis. Non excluditur, datis circumstantiis et cum commune consensu participantium, vestis choralis usus.

C. De Communication in Sacris

25 37. "Communicationem in sacris considerare non licet velut medium indiscretim adhibendum ad Christianorum unitatem restaurandam. Quae communicatio a duobus principiis praecipue pendet: ab unitate Ecclesiae significanda, et a participatione in mediis gratiae. Significatio unitatis plerumque vetat communicationem. Gratia procuranda quandoque
30 illam commendat". (Decr. De Oecum. n. 8).

38. "Cum autem illae Ecclesiae (Orientales), quamvis seiunctae, vera sacramenta habeant, praecipue vero, vi successionis apostolicae, Sacerdotium et Eucharistiam, quibus arctissima necessitudine adhuc nobiscum coniunguntur, quaedam communicatio in sacris, datis opportunis circumstantiis et approbante auctoritate ecclesiastica, non solum possibilis est sed etiam suadetur" (ibid. n. 15). Cf. etiam Decretum De Ecclesiis Orientalibus Catholicis, nn. 24-29.

1) De Communicatione in Sacris cum fratribus orientalibus a nobis seiunctis

39. Inter Ecclesiam Catholicam et Ecclesias Orientales a nobis seiunctas communio sat intima in rebus fidei exstat (cf. Decr. De Oecum., n. 14); praeterea "per celebrationem Eucharistiae Domini in his singulis Ecclesiis, Ecclesia Dei aedificatur et crescit" et "illae Ecclesiae quamvis seiunctae, vera sacramenta habent, praecipue vero, vi successionis apostolicae, Sacerdotium et Eucharistiam..." (cf. idem, n. 15). Quapropter fundamentum praebetur, ecclesiologicum et sacramentale, ut quaedam communicatio in sacris cum his Ecclesiis, non excluso Eucharistiae sacramento, "dati opportunis circumstantiis et approbante auctoritate ecclesiastica" non solum permittatur sed etiam quandoque suadeatur (cf. ibid.). De hac re pastores sedulo instruent fideles ut circa hanc communicationem in sacris recta agendi ratio illis clare pateat.

40. Huius communicationis normae, a Decreto De Ecclesiis Orientalibus Catholicis stabilitae (cf. nn. 26-29), cum illa prudentia observandae sunt quae in ipso decreto commendatur. Normae, quae iuxta Decretum fideles Ecclesiarum Catholicarum Orientalium respiciunt, etiam pro fidelibus cuiusvis ritus, ritu latino non excluso, valent.

41. Quoad receptionem vel administrationem sacramentorum Paenitentiae, Eucharistiae et Unctionis Infirmorum, peropportunum est, ut auctoritas catholica sive localis sive Synodus vel Conferentia Episcopalis facultatem communicandi in his sacramentis non concedant nisi post

favorabilem exitum consultationis cum auctoritatibus Orientalibus seiunctis competentibus, saltem localibus, in Italiae.

42. In concedendo facultatem in sacramentis communicandi, ad quamdam legitimam reciprocitatem attendere quam maxime decet.

5 43. Praeter casus necessitatis, iusta causa communicationis in sacramentis suadendae aestimari potest impossibilitas, materialis vel moralis, accipiendi sacramenta in propria Ecclesia per nimium tempus ob peculiaria rerum adiuncta, ne fidelis, sine legitima ratione, spirituali fructu sacramentorum privetur.

10 44. Cum apud Occidentales et Orientales diversi sint usus quoad frequentiam receptionis Eucharistiae necnon praxim sacramentalis confessionis ante communionem simul cum ieiunio eucharistico, cavendum est ne, in praxi communicationis, inobservantia ab Occidentalibus usuum Orientalium admirationem vel suspiciones excitet fratrum seiunctorum. Propterea, 15 Catholicus, qui ad communionem apud Orientales seiunctos, in praedictis casibus, legitime accederet, disciplinam orientalem in hac materia, pro posse, ad amussim servabit.

20 45. Accessus ad confessarium catholicum pateat orientalibus qui, deficiente copia confessorum propriae Ecclesiae, id sponte desiderant; caveant tamen confessores ne oriatur suspicio proselytismi. Legitima reciprocitas etiam hac in re servetur. *La reciprocidad es en lo común de la fe (Hanschen).*

Francis: esto conduce al indiferentismo. dificultad de confesar a divorciados ortodoxos.

25 46. Catholicus qui, iusta quidem de causa, Sacrae Divinae Liturgiae (missae) apud fratres orientales seiunctos diebus dominicis vel festis de praecepto adest, Sanctae Missae participationi in Ecclesia Catholica non amplius tenetur. Item, iisdem diebus, Catholici qui, iusta de causa ab assistentia ad Sacram Liturgiam in ecclesia catholica impediti inveniuntur, hortantur ut ad Sacram Liturgiam in ecclesia orientali assistant, si hoc fieri possit. *Corde (H) que la int. del Secret. fue de caso accep. 7 no de generalidad. Henr: "iusta" no placet. pmer el n. 26 del Dec. Donmuth: si se admite la recipr. esto es consecuencia. Basta la utilidad, como lo dice el Concilio. Pero no se puede aconsejar cosas no totalmente buenas. Anast: Para Ob. o para fides. Si lo ult. habria peligro de indiferentismo. Como se puede callar el pecado de herejia y de cisma. Donmuth: acepta lo de Henr. Boeller: es Dir. para Obispos. Mas, peligro en ninguna practica.*

Schreffler: "hortantur" es excesivo. Deberia anunciarse de rramen- te lo que prohibe la com. in sacris.

30 47. Iusta de causa, licet admittere fidelem orientalem ad munus patrini vel matrinae, simul cum matrina vel patrino catholico, in

Donmuth: tomar en n. 46 la 2ª frase. Francis: que se sea que es excepción. Butler: son indicaciones, sin vala hasta que lo aplique la autoridad Territ. Henr: "permitted". Butler: "permitted potest". Butler: en Dec. et es copulativo. Hanschen: El direct: que deban hacer doc. en contacto con secret. y así se evita la dif.

.../...15

baptismate catholici infantis vel adulti, dummodo de educatione catholica baptizati satis provisum sit et de idoneitate personae patrini constet. Catholico munus patrini vel matrinae ad baptismum in Ecclesia orientali coliatum non prohibeatur, si ad id invitatus est.

5 48. In matrimonio in ecclesia catholica celebrando, a munere paranymphi vel testis non arceantur fratres a nobis seiuncti. Catholicus vero paranympus vel testis esse potest in matrimonio quod inter fratres a nobis seiunctos rite celebratur.

Browne: per se no para matr. no legitimos.

10 49. Catholicorum praesentia in cultu liturgico fratrum orientalium admitti potest iusta de cause, videlicet publici vel professionalis officii, cognationis, amicitiae vel desiderii profundioris cognitionis etc. His in casibus non excluditur ut aliquam partem habeant in communibus responsis, hymnis, gestibus illius Ecclesiae cuius hospites evadunt, sine receptione Eucharistiae, nisi ad normas sub numeris 41 et 43 positas. Ordinarius permittere potest ut Catholicus munus lectoris intra cultum liturgicum, si ad id invitetur, assumat. Quod, vice versa, de modo praesentiae fratrum seiunctorum apud colebrationes in ecclesiis catholicis habitis dicendum est.

Domith: difficult. ad decid. entre catholico q no ca- tolicos.

? No como mi- nistros

20 50. Ad participationem quod adinet in caeremoniis quae communicationem sacramentalem non supponunt, sequentia serventur:
a) in caeremoniis apud Catholicos habitis, minister alicuius Ecclesiae Orientalis qui Ecclesiam suam ibi repraesentat, illum locum et honores liturgicos accipere debet qui ad ministros catholicos eiusdem ordinis vel dignitatis in Ecclesia Catholica pertinent; b) minister catholicus qui modo officiali caeremoniis religiosis apud orientales habitis ad-
25 sistat, induere potest habitum choralem vel insignia suae dignitatis ecclesiasticae de mutuo consensu; c) sedulo attendatur ad mentem propriam cum ministrorum tum fidelium Orientalium necnon consuetudines eorum, quae variae esse possunt iuxta tempora, loca, personas vel adiuncta.

Aprob.

51. Quia "communicatio in sacris functionibus, rebus et locis inter catholicos et fratres seiunctos orientales iusta de causa permittetur" (Decr. De Eccl. Orient. Cath., n.28) commendatur ut usus aedificii catholici vel templi cum ceteris rebus necessariis concedatur sacerdotibus vel 5 communitatibus orientalium seiunctarum pro eorum functionibus religiosis, praesertim si ipsi id petant, cum careant locis in quibus has functiones rite et digne celebrare possint. Apr.

52. Curent moderatores scholarum et institutorum catholicorum ut possibilitas detur ministris orientalibus praestandi adiutorium, spirituale et 10 sacramentale, subditis eorum qui instituta catholica frequentant. Quod adiutorium, datis circumstantiis et concessa licentia Ordinarii, etiam intra aedificium catholicum, templo non excluso, dari potest.

53. In nosocomiis et aliis institutionibus similibus quae a catholicis diriguntur, curent moderatores ut sacerdotem Ecclesiae orientalis seiunctae 15 tempestive certiores faciant de praesentia ^{fidelium} ~~subditorum~~ eius atque possibilitas ei detur aegrotos visitandi necnon sacramenta digne et reverenter administrandi.

2) De communicatione in sacris cum aliis fratribus seiunctis

54. Sacramentorum celebratio semper est actio communitatis celebrantis in ipsa communitate peracta, cuius unitatem in fide, cultu et vita exprimit. 20 Ubi haec unitas ^{maxime} ~~gravis~~ ^{ratione} deficit, participatio catholicorum cum fratribus seiunctis, praesertim in sacramentis Eucharistiae, Paenitentiae et Unctionis ^{fehler: ordi} ^{ius si grave?} Infermorum, non permittitur. In casibus tamen particularibus, v.g. in periculo mortis, principia generalia moralis fundamentalis exceptionem exigere ^{se red. mas} ^{claro.} possunt.

25 55. Quia minister catholicus nomine Ecclesiae munere suo fungitur, ne alicui fratri a nobis seiuncto, intra celebrationem Sacrae Eucharistiae, functio S. Scripturarum lectoris vel praedicatoris committatur; neque, vice versa, catholicus easdem functiones assumat in celebratione Sacrae Coenae vel 30 principalis cultus Verbi liturgici quae apud communionem a nobis seiunctam habetur. In ceteris actionibus, etiam liturgicis, quasdam functiones assumere, si casus ferat, non prohibetur.

56. Patrini munus, sensu liturgico et canonico, in baptismatis et confirmationis sacramentis praestari nequit a christiano communionis seiunctae, salvo praescripto numeri 47. Patrinus enim et matrinus non solum ut familiae cognatus vel ^tamicus baptizandi vel confirmandi eius christianae educationis curam tenet, sed etiam, communitatem fidei representans, neophyti fidei sponsor est. Pariter catholicus hoc munere erga membrum communitatis seiunctae fungi nequit. Attamen, propter cognationis vel amicitiae rationes, christianus alius communionis admitti potest ut factum collationis sacramenti testificatur. Sedulo curent pastores, ut fideles de vera ratione harum restrictionum edoceantur ad omnem incomprehensionem necnon rixam in familiis vel in societate evitandam.

57. In matrimonii catholici celebratione, fratribus a nobis seiunctis munere testis officialis fungi permittitur; quod valet etiam pro catholico in matrimonio quod inter fratres a nobis seiunctos rite celebratur.

Ham: 15
frassent si de Jgls.
pero no vale de se.
Las. Butler: pro-
blema de la rece-
pcion del sac.
en Jgl. anglicana.

58. Catholicorum praesentia occasionalis in cultu liturgico fratrum seiunctorum admitti potest iusta de causa, videlicet, publici vel professionalis officii, cognationis, amicitiae vel desiderii profundioris cognitionis, occasionis conventus oecumenici etc.. His in casibus, salvis supradictis, non excluditur ut aliquam partem habeant in communibus responsis, hymnis, gestibus, illius communitatis cuius hospites evadunt, dummodo fidei ~~communi~~ consona sint. Quod, vice versa, de modo praesentiae fratrum seiunctorum apud celebrationes in Ecclesiis catholicis habitis dicendum est.

Nisi adiecerit aliud suadet.

Haec participatio, ex qua semper excluditur receptio ipsius Eucharistiae, illos ad aestimationem spiritualium divitiarum inter nos existentium conducere debet simul ac separationum gravitatis magis conscios reddere.

Wright:
una de las
os en dero
que hacen
ense. de
separacion

59. Ad participationem quod adinet in caeremoniis quae communicationem sacramentalem non supponunt: ministri aliarum communionum qui ad caeremonias adstant locum qui dignitati eorum correspondeat, de mutuo consensu, accipiant. Item, ministri catholici qui praesentes sunt ad caeremonias apud alias communionem celebratas habitum choralem induere possunt, ratione habita consuetudinum localium.

pero esto no se aplica a la Misa.

60. Exsequialibus caeremoniis, quia ritus proprie sacramentales non sunt, propinquis alicuius fratris seiuncti defuncti poscentibus et deficiente proprio ministro, catholicus sacerdos praeesse potest. Item, deficiente ministro catholico, catholici administrationem ministri non catholici in ritibus exsequialibus petere possunt. *precibus condignis supplendis.*

5

61. Si fratribus seiunctis desunt loca in quibus functiones suas religiosas rite et digne celebrare possint, Ordinarius loci usum aedificii catholici *inno* et templi vel aliorum necessariorum pro functionibus eorum concedere potest. *Apud.*

62. Curent moderatores scholarum et institutorum catholicorum ut possibilitas detur ministris aliarum communionum praestandi adiutorium, spirituale ~~et sacramentale~~, propriis *fidelibus* subditis qui instituta catholica frequentant. Quod adiutorium, datis circumstantiis, etiam intra aedificium catholicum dari potest ad normas numeri *61* ~~29~~.

10

63. In nosocomiis et aliis institutionibus similibus quae a catholicis diriguntur, curent moderatores ut ministros communionum seiunctarum tempestive certiores faciant de praesentia eorum subditorum atque possibilitas aegrotos visitandi necnon adiumentum spirituale et sacramentale praestandi *ei* ~~eis~~ detur.

15

PATRIMONIO UC